

GÖSCHNER LÄLLI 22



6 FR




Corona und Wissenschaft

**Sensation! Wissenschaftler haben herausgefunden!
Sind dann aber wieder reingegangen weil es zu kalt war draussen.**

**Karl Lauterbach der neue Gesundheitsminister von Deutschland
Ist für seine wirren Aussagen schon länger bekannt
Nun fragt sich der Lälli ganz gespannt
Welche Drogen rauben diesem Mann den Verstand?**

**Covid 19 in aller Munde
Jeden Tag ne schlechte Kunde
Studie hier und Studie da
Jede Woche BAG Bla bla
Jeder will der Bessere sein
Mit Wissen über diesen Keim
Haben langsam satt diesen Stuss
Da chunt ja gli kei Sau me druss!**

COVID-19



**Wie kommt ein betrunkenener Virologe nach Hause?
Auf allen Viren**

**Wenn wir nicht bald die Pandemie ausradieren
Gibt es bald mehr Virologen als Viren**

**Hat Bill Gates bei Corona doch seine Finger im Spiel
Darauf hin deutet wirklich sehr viel
Wenn wir nun die Impfung mit Windows vergleichen
Verdichten sich diese Anzeichen
Holst du dir nicht eine Booster Impfung alle 3 Monate
Ist es schnell fertig mit deinem Zertifikate
Machst du nicht alle 3 Monate diverse Windows Updates
Kann es sein, dass dein Computer nicht mehr gates**

**Und die Moral von der Geschichte,
entscheide selber ob Verschwörung oder nicht!**

Da scheiden sich die Geister
 heisst äs so scheen,
 doch d Meinigä vo gwissnä wärdet dreister,
 vielleicht gspüret sie dr Fehn.
 Sell doch jedä glaibä was er will,
 dass ider Impfig sell ä Chip si,
 miär hend doch nu nid 1. April,
 chämet zum Verstand oder nämed äs Glas Wyy.



DE | FR | EN

Kanton TESSIN
Gesundheitsdirektion [Logout](#)

VacMe Registrierung

1. Termin
 Dienstag, 14. April 2020 | 10:00 - 12:00

2. Termin
 Donnerstag, 16. April 2020 | 10:00 - 12:00

Produkt wählen:

▾

+ Erinnerungsfoto (CHF 10.-)

+ Nanochip 2,1/3,6 GHz (CHF 50.-/mtl.)*
 mind. 24 Mte, inkl. Microsoft Stream u. Amazon Prime

+ Querdenker-Patenschaft (CHF 100.-)
 1 Jahr Echinaforce und Sauerstoff für 1 Impfverweigerer

+ 10 ml Adrenochrom (CHF 1000.-)
 aus kontrollierter und zertifizierter Haltung

Neues Coronavirus Aktualisiert am 14.3.2020

**SO SCHÜTZEN
 WIR UNS.**

- Gründlich
Hände waschen.
- Hände schütteln
vermeiden.
- In Taschentuch oder
Armbeuge husten und
niesen.
- Abstand halten.
- Bei Fieber und Husten
zu Hause bleiben.
- Nur nach telefonischer
Anmeldung in Arztpraxis
oder Notfallstation.

www.bag-coronavirus.ch

Schweizerische Eidgenossenschaft
Confédération suisse
Confederazione Svizzera
Confederaziun svizra
Swiss Confederation


Bundesamt für Gesundheit BAG
Office fédéral de la santé publique OFSP
Ufficio federale della sanità pubblica UFSP
Uffizi federal da sanadad publica UFSP

Bist du nicht die hellste Kerze
 Kannst nicht lachen über Beamtscherze
 Rechnen ist nicht deine Stärke
 Du gehst mit wenig Elan zu Werke
 Mit Excel Tabellen kannst du schlecht umgehen
 Am liebsten tust du neben der Kaffeemaschine stehen
 Was du heute kannst besorgen
 Verschiebst du gerne auch auf morgen
 Wenig leisten, dafür viel Geld verdienen
 Einen alten Fax kannst du sehr gut bedienen
 Bist du faul, demotiviert und nicht hilfsbereit
 Dann bewirb dich beim Bundesamt für Gesundheit



Wir warten auf dich!
Dein BAG





Die 10 Weisheiten des Alain Berset:

1. Ach wie gut dass niemand weiss,
dass ich Alain Tigrillo heiss



2. Wie letztes Jahr angekündigt, folgt jetzt die Kür.
Voila, da ist die Impfpflicht durch die Hintertür.

3. Wenn dir in der Pandemie der Stress um die Ohren knallt,
Erhole dich ein wenig im Schwarzwald.

4. Hat der Bauer für seine Tiere zu wenig Schellen,
kann er bei den Freiheitstrychlern welche bestellen



5. Vor einem leeren Bier sitzen ist gar nicht toll.
Zum Glück hat Hobby-Jesus Rimoldi noch ein „Mass voll“.



6. Wenn du viele schlechte Nachrichten musst verkünden,
kannst du einfach eine Task-Force gründen

7. Heute zu Ute, Morgen Lara oder Christine
Es chauffiert dich die Bundesrats-Limousine



8. Um den Aktienkurs von Pfizer anzukurbeln,
sollst du Boostern und aufhören zu schwurbeln



9. Wenn Demonstranten am Bundeshausgitter rütteln,
setz es unter Strom, dann tut es die ghöörig dure schütteln

10. Wer nicht folgt der Bundesratskapelle,
dem hetzen wir Tigris auf die Pelle



Was hat unser Bundessalat eigentlich die ganze Zeit gemacht?



Ueli National trägt nicht gerne Anzug und Hut
Deshalb steht im auch das Freiheitstrychlerhemd gut



Viola Amkochherd musste überlegen welches Fliegerli darfs denn sein
Und ging dabei prompt den Amis auf den Leim



Ignazio Catzis beschäftigt sich mit Unis und Strom
Zofft sich deshalb in Brüssel mit der europäischen Union



Nach der Abstimmung kann Alain Libertee wieder lachen
Und bald wieder Besuche im Schwarzwald machen



Simonetta Tortaruga tut zur Abschaffung von Benzin-Autos raten
Leider wächst aber der Strom nicht im Garten



Guy Parmesan ist froh, dass das Jahr zu Ende ist
Denn das Amt des Bundesratspräsidenten ihm viel Energie wegfrisst


Karin Knaller-Uter hat schon mal die Messer gewetzt
Und den Nicolas Rimoldi auf die Terrorliste gesetzt




Ja auch in diesem Jahr, wir müssens sagen
Tut den Bundessalat viele Sörgeli plagen



Gemeinde



Nacherä lange Karriere im Landrat tuet dr Peter dänkä
Äs isch doch nu viel ds friä mini Politikkarriere a Nagel ds hänkä
Nachdem es mit em Amt als Regierigsrat nie klappet het
Dr Peter Tresch gärn ds Geschenä Gmeindspräsi wärdä wett
Souverän wird dr Peter zum Präsident ernannt
Sit emä Jahr het er etz ds Zepter i dr Hand
Bim nä Interview tuet er mit grossä Wort achündä was er wett machä
Damit ds Dorf Geschenä wieder tuet usem Tiefschlaf verwachä
Es isch hoffentlich klar, dass d Geschner au Tatä gseh wend
Und nit nur wägem Spränggä uf dr Bustell verwachä tend



Gemeindekanzlei Göschenen

1970 – 2021

In liebevoller Erinnerung:

Gemeinderat Göschenen
Carolin Mazzolini
Soraya Sägesser
Bill Baumann

Traueradresse:

Gemeindeverwaltung Göschenen, Göschenalpstrasse 8a, 6487 Göschenen



**Im März letz Jahr isch eppis gangä,
da sind vieli lang gsi am Plangä.
D Gmeindsverwaltig hed chennä is niwä Büro ziäh,
doch zersch hends miässä ziglä und schwitzä mit Miäh.
Währendem Ziglä bechunt der Tini äs Telefon,
„Du muäsch sofort id Quarantänä - äs gid kei anderi Option!“
So sind am Schluss nu d Carolin, d Soraya und dr Bill,
wo nu dr Rest machet & entsorget allä Müll.**

**Gloht hed sich der Chrampf und diä Zügleti,
wenn mä ez gad uf diä scheeni Kanzli.**



**A dr Frühlings Gmeindsversammlig het äs vieli Liit,
Wills zur 2. Röhrä nywi Infos git.
Äs sind mit dr Bustell nit alli glücklich,
dass ghört mä de eu usdricklich.
Plötzlich het dr Tresch Sebastian äs huärä Ghetz,
will är ä Antwort will, Heute, Hier und Jetzt.**

Mim Niwä Gemeindepräsident am Tresch Peter
Wärdet die Vesamligä äü ä chli speter.

Es herrscht Zucht und Ordning,
vom Gmeindrat we i dr Verordnig..

Es gid niwä Wind i diä konfusi Sach,
jedi Person het sis Ämtli und sis Fach.

Alli vom Rat ment eppis vorstellä oder vorträgä,
diä eintä intressanter und diä andärä ächli verlägä.

D Göschner findet das äü sehr toll,
drum isch d Aula immer sehr voll.



D'Aula immer widr ä Freid zum Gseh
Grossi Fänschter wiä süsch niänä meh
Zum Sitzigä planä isch si dr ideali Platz
Ai z Putzä drnah gaht ratz-fatz
Dr Lälli zum Datäschutz; firnä Gmeindratsitzig uf Grossliinwand
Settimä chennä d Stoorä apalah, süsch gseht mä de schonu allerhand.



D Ilona isch nimmä uf dä Gmeindskanzli,
fir sie isch d Arbet det ändgültig verbi.
Schad eigentlich, will sie heds guät gmacht,
und positivi Energie im Büro entfacht.
Jetzt macht sie d Lehr fertig in „Papa's Büro“,
wer weiss warum, weshalb oder wieso.



Tierisches

Uf em Jupi eppis Nyws ä Wucht,
a dr Corinna sini Hundezucht.

Will Sie ufbuwä ä Näbäerwärb?

Eppis mit ämänä Hundegwärb?


3 Wälpä het de gworfä d'Luna

Das isch de eu voll zum stuna.

Lustig findets de sicher ai d Nachburä,
wenn die Vier fent afä bällä und chnurrä.

Dr Lälli wartet jetzt scho wieder uf diä negschtä Hind,

Will ja im Dorf anschinend nu nit gnuäg umä sind!



Während der Pädi ider Aula duät verwilä,
näbäbi paar Aktä duät studiärä,
gaht sin Wälpä chli go schnüfflä,
bis es nachämä Zitli chli duät müfflä.
De Pädi gmerkt schnell was da isch passiärt,
sis Hündli hed ufem Bodä Hundescheisse serviert.



Dr Jonas macht ä Spaziärgang dunnä im Riäss

Da laift em sonä chlinä Kläffer i d Fiäss

Der findet ihm sis Wädli nu zimmlig interessant

Und bisst de grat dri - churzerhand

Diä Hosä het äs grat verrissä

Das het nä de nu zimmlig agschissä

He Jonas, wärsch im Fall voll im Trend

Überleggs dr, bevor diä Hosä i Gisel wanderä tend



Äs Vogelhisli stah bi z Furgers im Gartä,
wo chlini und grossi Vögel dent frässä und wartä.
Doch diä grossä Bärgdohlä hend det nid verlorä,
so wird der Werner schnell zur Vogelschüchi userkorä.
Schitteret und polt äs wieder einisch verussä kurz,
verjagt er diä grossä schwarzä Vögel mitemnä Fraiwäfurz.



Bim täglichä Lüftä dänkt mä sich nid viel,
wer erwartet scho ä Vogel wo suächt Asyl?
Doch fliegt das Tiär einisch is Schlafzimmer,
de wirts fir d Soraya ai nurnu schlimmer...
Hed der Fredi miässä schnell durä ih Ihsatz,
bevor dr Vogel gfrässä wird vo der Chatz.





Hast du ein Vogel in der Wohnung und bist in Not? –
Fredi kommt im Grossaufgebot

D Mana will ä Japanischä Hund,
wo aber vo Italiä chunt.
Ä spezielli Rassä muäss de anä,
da isch de dr Lälli richtig gspannä.
So ganz ginschtig isch der sicher nit,
darum isch de dr Gspass eu kei Hit.
Am Afang isch d Mana nu sälber go läufä,
speter het mä nä wieder chenä chäufä.
Dr Meini het de miässä ispringä gschwind
är isch go läufä bi Sturm und Wind.
Dr Akuto wachst de ai nu schnell,
zum Glück aber ohne Gebell.
Het er immer meh becho Chraft,
so das am Meini gli usgangä isch dr Saft.
Moral vo derä Gschicht,
es isch doch ä Faschingsbricht.
Chäuf niä ä Hund
mit Japanischem Hintergrund.

●
JAPAN



Dr Hasä chund i Gadä und chas chum begrifä
 ä scheenä grossä Kauz tuät ihm äs Liädli pfyyfä
 unbemerkt hed der dett g'nischtet
 und de zerscht äs sehr guät's Läbä g'frischtet
 am Hasä bringt das Tiär nur Nutzä – tuät nid schadä
 denn «Mäuseplag» hed är keini meh im Gadä
 doch pletzlich isch är de verchlipft
 ä jungä Kauz isch nämli g'schlipft
 är seid zur Altä: «Ja diä Bruät uf-ziäh - das chasch vergässä
 d'Miis vu da hesch sälber g'frässä...!»
 Gli aber schickt är d'Angelika um toti Miis go z'poschtä
 «d'Ufzucht» glingt – doch toti Miis – diä täget äs Vermegä choschtä
 drum säg «Nei» - wenn dr Marlon Wiisäli mal uf-ziäh mecht
 will - dank Lälli weisch: Diä fräset pro Tag ei Forellä – speter ä Hecht



Z'Rothäfluähs hend ä niwi Chatz
 der chlini «Lui» hed zwar i dr Wohnig scho nu Platz
 aber diä andrä Hustiär tuät das «Baby-Zisi» nu nitt kännä
 drum wett d'Daniela diä Tiär zum Schlafä trännä
 drufabbä schlaft sie gar nitt guät de i dr Nacht
 traimt – dass dr Hund i ihrer Stubä «Stimmig» macht
 laift am Morgä id Stubä – g'seht der Sässel – und hed Freid
 d'Feh hed der nur im Traim ab-g'änderet – nitt in Wirklichkeit



Göscheneralp

Schmutzigdonnschtig ä Schissächelti
Und ä Geschnerälpler isch ai nu dr prellti
Schnee gäh uber Nacht hets de ai
Und z Aitoabschoorä nimmt halt nid jedä so gnai
Polizi isch im Winter aligs zimli drüf
Und ai am Morgä scho friäh üf
Äs gschneewrigs Aito üsägnu, nid dänkt drbi
Ahä, äs isch am Christoph sis gsi
Negschmal besser putzä wirsch miässä
Süs ch gfindets dich widr und tent dich biässä



Schneeriimig z Geschänä, äs umstrittes Thema
Dr Rat tuät alles frisch üfgleisä, nach ihrem Schema
Sie dänket sich, äs wird ai der Winter widr wiiss.
Überlähmer Gwiäscht bis Abfrutt am Geissäparadies
Ä ubändigä Traktor mit Pfluäg wird de kaift
Aber äs isch Alls nur guät solang diä Ruschtig laift.
Dr Tyyfel hets wellä, so tuädäs am Näf niime rickä
Dr niiw Traktor stah scho bim Chraftwärch zum flickä
Mim altä Aebi Traktor gah rümä, zum Glück isches nid gfrorä
Süs ch Christian hätt sch de dr Pfluäg nid nur 3 Mal verlorä.
Dänk dra, ai der Winter wird sicher einesch ändä
Abem Langsig chasch dü de der Traktor ufem Börtli verwändä

Ohni Handy chasch hit fascht nimmä si
 Bi dem Trend isch ai dr Waldemar drbi
 I Coop gah poschtä, da isch är ganz gschwind
 Sofort widr iz Gwiäscht hindärä wiä dr Wind
 Am Waldrand zuäh, eifach üf und drvo
 Ä Griff i Tschopä, wo isch mis Handy wo
 Widr üsä doch im Coop unüffindbar
 Äs heig ä Geschnerälpler mitgnu, schiint wunderbar
 Nur mit verbibringä, sie hends nid richtig wellä üsärickä
 Am liäbschtä hättet sis glabi wellä imä Päckli verschickä



Üsgang und Fäschtä chenets im Felsäheim guät
 Sicher hiä und da ai chli Alkohol im Bluät
 Das isch richtig so und tent ai witerhi schen Johlä
 Eifach bim heigah luägä as mä nid tuät uber z Trottoir trohlä
 Äs cha aber passiärä - äs chund wiäs muäss
 Dr Thomas liit am Bodä mimä brochnä Fuäss
 Tipp: Äs Glesli weniger, de wird's ai nid so tiir
 Will z Trottoir cha ja sicher nid drfir



Diä Jungä!




Yhseri agwirgtä Fischerjungs mim Silvan z vorderst vorä
Am Morgä friäh üfstah, üfä i d' Bergsee miär gend gah bohrä
D Lecher parat, innä mim Wurm und d Ruäh gniässä
Es wird ganz still, glabä einä het a Köder miässä
Dr Silvan seit scho bim Biss a sim Kamerad
Ich weiss welä ases isch, Spetzi hesch hoffentli dr Plunder parat
Nach langem Drill, wer hättis dankt
Het ihnä dr Bergsee ä riesigi Forellä gschänkt
Gratulation Silvan, miär lent dich etz ufä Friählig la plangä
Aber nu epis, dr Fisch miässt nid üsgstopftä idr Chuchi hangä

Jedä weiss, Zermatt isch äs tiirs Pflaschter
Det muäsch halt scho ha gnuäg Zaschter
Dr Sven Tresch het ai chli wellä go Gäld verlochä
Nur studiärt het är de nit grat ä Schochä
Gäld usgä i dem und i disem Ladä
Egal, äs tuät ja niämerem schadä
Chärtli anähebä, Zahlä drickä
Doch pletzlich muss är de läär schlickä
Dr Saldo der isch z chlii
Und am Sven sini Shoppingtour isch verbii
Dass negsch Mal nit muäsch hetzä
Tuä doch dini Monetslimitä ufäsetzä



**Dr Sämi Bissig, am Cavaletti Yvonne si Schatz
 Macht ä Bewärbig, die isch für d Chatz
 Er gseht im Inserat es super Stelläagebot
 Und zwar als Pischtäfahrziig Pilot
 Dr Sämi isch hin und weg, seit das wär geil
 Und bewirbt sich uf die Stell per E-Mail
 Nachemä Wiili fragt er sich de scho
 Hend ächt die mini Bewärbig übercho
 Es het sich de usegstellt, dr Sämi tet d Händ verrierä
 Bi dr E-Mail Adrässi ä Buechstabe vergässä - so chas nit funktioniere
 Sämi, dass das nechscht Mal nimmä passiert
 Zeigs doch dr Yvonne, die hät das scho rasch kontrolliert**




**Diä jungä Geschner wend Fisch usänä usem Teich
 Aber sie bisset nit - äs isch ä Seich
 Dr Chrigi verliert d Geduld, chas nimmä gseh
 Är stigt churzerhand i dä Unterhosä i der See
 Pletzlich isch är de ä gottlos Schnellä
 Sie flieget ihm fasch um d Ohrä, diä Forellä
 Dass Fischä langwilig isch, das muäss is niämer me sägä
 Chämet uf Geschänä, da chender epis erläbä!**



**Nei – das Inserat brücht vum Lälli kei Zensur
 ä winzig chlini Frag hemmiär da nur:
 Im T-Shirt schaffä?? Z’Andermatt??
 trotzdem... Unterschtift vum Sven sii isch sicher glatt
 denn är isch ä kompetäntä – macht niä ä süürä Schtei
 ... und zumnä «Fyrabigbiärli» seid är ai nitt Nei**




**Dr Senn Elias isch immer top organiziärt
 Fahrt am Morgä am 4i ufä Damm - voll motiviärt
 Stärnäallei, fasch mitzt i dr Nacht
 Was mä nit alles für sini Fitness macht
 Äs isch ihm de glich chli mulmig wordä uf dem Velo obä
 Drum het är z Tempo ä chli azogä
 Z Fuäss ischs witergangä richtig Bärgsee
 Är freit sich ä scheenä Sunnäufgang z gseh
 Doch d Sunnä, diä zeigt sich nit
 Der Usflug isch nit grat so dr Hit
 Tuä doch negsch mal dr Wätterbricht besser studiärä
 De muäsch na nit i d Wulchädechi innästiärä**



Beatrice Egli hat es geschafft

Den Wunsch, aufs Matterhorn zu steigen, hatte Beatrice Egli schon länger. Vor dem dritten Anlauf erzählt die Schlagersängerin, wie sie es in kurzer Zeit geschafft hat, für die hochalpinen Touren fit zu werden.

Dr Manuel Steiner hätt uf z'Matterhorn wellä – wär parat
dr Bärgfiährer seid – dass wägem Wätter hitt nitt gaht
«Und Morä» - seider – «isch ai nitt megli
denn da ,ferggät's' ufä d'Beatrice Egli!»
Hed diä Frai ächt dobä äs Schtändli prungä?
Dr Manuel hätt sicher midrä zämä «La Montanara» g'sungä
und falls diä Foti usäm Zermatter Halläbad kei «Fake» tuät sy
hätt är ä Geschner Fasnachtswurscht ai nu drbi
ja diä Frai Egli hed eppis verpasst – seid dr Lälli mit guätem Grund
und sicher isch - dass dr Fasching-Vize-Präsi negscht Mal ufä chund



La Montanara!



Dr Jascha chund im Ysfäldhittli a
merkt: «Ei Schlittschuäh hani glatt drheimä gla!»
etz wurdet sich zwe Meglichkeitä biätä
är chent als erschtä dett doch nur ei Schlittschuäh miätä
Zwei mieten kostet 4.00 - was kostet einer?
Sms-Nachfrage bei Elias Senn oder Manuel Steiner
Oder ä Sensation – da chemmer wettä
är fahrt ä Schtund umä mit dr Biellmann-Pirouettä
dadrfir brüchts nur ei Schuäh
und alli luäget stünend zuä
doch dr Jaschä – iähr ahnet's ja bim Eid
seid niämrem nyd - holt hei dr Zweit...



Gewerbe

Dr Maler Mattli het Arbet z Wassä,
vo dr Gmeind üs das isch klassä.
Er mecht vo dr Gmeind ä Parkchartä ha,
säget de schnell wo er z Geld muäss innä la.
Fir d Arbeiter kei Parkchartä wemä fir sie schafft,
sälber zahlä isch d Devisä, wahrhaft.
Miär findet das scho ächli fräch,
hent immer die wo eppis machet Päch.



Än Abstächer iz Bistro sich witerhin lohni
Äs ghert sidem 1.1.22. am Tschiggel Moni
Fir Geschänä ä wichtigä Ort, der tuät mä hoffentli pflägä
Und im Namä vu villnä Lit einesch adr Vicky und am Paul dankä sägä
Diä vilä schenä Jahr blibet ys i Erinnerung ohni zliigä
Ai wenn miär jetz iz Boot vu dr Monica tent stiigä
Ai wenn sie frischi Farb ad Wänd wott chleischtärä
Wisstet miär as das z Moni guät wird meischtärä



Afangs 2021 hend d'Beizä «erzwungni» Ruäh
ai z' Bistro isch drum sehr lang zuä
trotzdem hed mängä a dr Oschträ g'schtunet – jedi Wett
wonär a dr «Bistro-Tirä» das da g'läsä hett






Ds Bergasthuus Dammagletscher muess saniert wärdä
Damit mä au im Winter niemer tuet gfährdä
Muess natürlich e gheerigi Mängi Schneefänger ufs Dach
Damit kei Person vom Schnee gmacht wird Flach
600 Schneefänger sind verrächnet wordä, s blibt drbi
Dr Simmä Andre seit das cha ja nit sii
Bim nachäzellä isch dr Andre es bitz verwirrt
Nur 580 het är zellt - het sich ächt die Firma girrt
Dr Lälli seit, das chent durchus sii
Oder dr Andre het falsch zellt, es blibt drbi



Jagd/Schiessen

Dr Buumä Wädi iserä niw Landrat
Wo für Geschenä etz uf Altdorf abbä gaht
Bring det sicher au mängi Jagd Story ufe Tisch
Verzellt gärn wie guet sis Wildfleisch isch
Wädi mit dinä Jagd Gschichtä mesch du es bitzli vorsichtig si
Wenn pletzlich ds Fleisch mesch lifere für ds Landratsässä, s blibt drbi
Würdet sich dini Landratskollegä freiwä uf Reh Riggä
Gfaher isch aber, dass de all mend mit Hunger ga liggä



**Am 20. Aiguscht jublet all Hirschä im Beertli librämänt:
«Hender g'seh? Dr Hasä – das Jahr – hed der keis Patänt...
und vom Rescht vu dr «Schribergruppä» - äs isch klar
gaht ender üs – ä chlini G'fahr...!»
Ä Wuchä speeter sind diä Hirschä nimmä froh
denn äs isch ä Nachtrag cho
und nach dr Jagd – diä Hirschä wisset's etzä
sägets: «Diä Nicole Scheiber sett-mä ai nit unterschetzä...!»
Denn z'Marcos Frindin – ja bim Eid
trifft guät – und hed zum Jagderfolg de vill bi-treit
i dem Zämähäng – iähr wisset's medä
vum Rollä-Tusch zwischet Ma und Frai tent vili redä
aber – d'Nicole uf d'Jagd – dr Marco hindrä Härd??
Wär der dett ächt wirkli eppis wärt???**






Uf z'Rütli schiässä tuät so mängä Schitz ja plangä
ai am Steiner Willy isch äs z'letschi Jahr so gangä
am Morget packt är d'War – tuät gah
doch ufäm Schiff uf z'Rütli wird är stutzig da!
Der Riämä? Diä Beschriftig? Är meint: «Miner Seel!
Das isch d'Knarrä vu mim Jungä doch – am Manuel!»
Z'Gwehr i-schiässä gaht natirli nitt
werums zersch null und erscht am Schluss äs Fifi git
entsprächend z'Resultat: Ja gar kei Gnuss
ja Willy – stell dr vor - dr Täll bim Epfelschuss
wenn der dettä – statt dr Armbruscht – so isch äs ungefähr
mit dr Schtei-Schluderä vum chlinrä Buäb erschinä wär?
Guät ä gmiätlichä Rütli tag isch z'Wichtigscht – tuät dr Lälli meinä
aber Rütlibächer – Willy – gitt's mit derä Vorbereitig keinä!!

0
0
0
2
5


Autos/Strasse

Dr Zraggä Ernscht redet scho so lang,
muäss dr Traktor go vorfiährä er plangt.
Er muäss am Zischtig gah nid am Mäntig,
er fahrt uf Altdorf abä nach sinärä Planig.
Dunnä seid dr Vorfiähr-Spezialischt: «nid Hit»,
erscht am Mittwochmorgä isch es de so wit.
Etz muäss ihn epper uf Altdorf holä ganz gschwind,
dr Ernscht isch wieder z Göschänä guät gesinnt.
Muäss am Mittwoch wieder abä mimä Chauffeur,
ich hoffä äs passiert miär nimmä äsonäs Malheur.
Am Ernscht set mä schänkä ä Agända unbedingt,
dass er ds richtigä Datum het und richtig gengt.



Dr Emanuel Steiner schaffet ai verussä, muäss üsharrä
Brhund drfir ä schenä grossä Büdächarrä
Der derfi är brüchä sovill wenn är will
Sit är das weiss stah der Geppel sältä still
Schnell iz Faschinglokal epis gholt
Häi zrugg, Hindersigang innä, scho het äs pollt
Emanuel, negschmal besser luägä hättsch sellä
Äs cha ja idr Zwischäzit eper z Aito uf di Parkplatz stellä

OOPS..!



Sit em Summer isch wieder einä meh uf dr Strass
 Äs isch am Jumbo dr Jung, und är git de nu zimli Gas
 Bi dä Fahrstundä het nit immer alles funktioniärt
 Dr Sager het nu hiänta d Händ verriärt
 Nached Usgang drimal verpennt
 Natirli het är de messä zahlä jedä Cent
 Das cha sich ai nur ä Murer-Lehrling leischtä
 Diä verdiänet ja am meischtä



Z Cavaletti Moni wott i Coop go ichtaifä
 D Yvonne seid: Nimm doch z Aito, de muäsch nit so wit laifä
 Drii volli Täschä sinds de wordä
 Jetz schnell hei diä Sachä ga versorgä
 Wo sie scho wieder im Unterdorf staht
 isches de aber scho z spat
 Z Aito het z Moni vorem Coop la stah
 Sie hätt gar nid miässä z Fuäss hei ga



D'Geschner sind diä meischtä nätt und frindlich – s'isch äso
 aber buächstäblich inä «Beschreibigsnotstand» sind sie cho
 vor luter Rotliächt muäss mängä färä
 dr Wäg ids Oberdorf de ungefähr äso erklärä:





**Dr Bumä Dani vo dr Winterhalte obä
 Chemmer wäg dr Klimaerwärmig gar nit lobä
 Fahrt ä Diesel Pick Up und kei Smart
 Es Dieselfahrziig lohnt sich ja eher für ne längeri Fahrt
 Damit das Aito uf Betriebstemperatur chund, hemmer messä gheerä
 Dass dr Dani all Morgä vorem schaffä nu uf Airolo gaht ga cheerä**



**I dr Bibel staht: Mä sell Vatter und Muätter ehrä
 ja Zoe vu diner Muätter chasch ja gwiss ä hüfä lehrä
 nur – ja miär wettet dich zum Ungehorsam nitt verfiährä
 was diär dini Muätter nitt zeigä chad – isch: GUÄT PARKIÄRÄ**

D Zoe isch jetzt viel mim Roller uf dä Strass
und hed bim Fahrä so ihrä Spass.

Doch der gaht amigs schnell verbi,
wenn der Roller nimmä hed Blifri.

So hed sie einisch miässä unfriwillig wartä,
ä Ewigkeit isch gangä bis sie wieder hed chennä startä.

Wär da nid d Spitex ufem Pannästreifä mim Benzin,
chennti sie nid zum negschtä Termin.



Überall für alle

SPITEX

Schweiz

Ä chlinä Tipp für d Zoe:

Negsch Mal sparsch kei Frankä,
und gahsch friäner go tankä.



D Tina Tresch seit a mini Haar terf nur die Beschti

Drum fahrt si uf Gurtnällä zum Coiffeur Esti

Nach Spitzli schniidä und viel Tratschä

Tuet d Tina gfrisiert wieder usä latschä

Kofferruum uf und d Täschä verstaia

Deckel zue, dr Tina tuets graiiä

Si merkt dass dr Schlissel i dr Täschä liit


Ja jetzt isch das Drama ä so wiit

Ds Auto isch bschlossä, was sell ich etz machä

Dr Christoph am schaffä, es isch nit zum lachä

Drum Tina, wenn nechscht Mal zum Coiffeur tuesch gah

Hänk doch dr Ersatzschlissel a de Hosä a




Fasnacht

Fasnacht 2021 einesch epis anders gsi, Nichts in der Halle.
Dr Vorstand seit aber wenn scho, giz Risotto für Alle
Im Fiirwehrlokal wird gchochet und nah gaz as verteilt
Ribigslos gangä, dankä am Vorstand und jedem Hälfer fir sis Abheilä
Müskantä a 5er Trupps sind uf dr Strass am nitschä und hornä
Ai bi Minusgrad gilt dr Asatz: Nid heerä, nu einesch vu vornä
Sogar, dr «Grund»-Bsitzer und Altpräsident Hasä
Ghert mä, sensationell, i sini rot Posünä blasä



Der Schmudo 2021 isch so äs Jahr här,
d Hälferinnä und Hälfer hends gha schwär.
Wiä immer heds Risotto und Wirscht gäh,
nur das Mal glieferet ih Briäfchaschtä.
Bim Lieferä voder Choscht isch d Soraya ai debi,
doch plätzlich wirts bi ihrä zur grossä Suächeri.
Vorhär hed sis bim Telefoniärä nu gha adä Ohrä,
ä Stund speter isch z Natel vo ihrä verlorä,
doch sie gid nid uf mit Suächä und gfindets am Namittag näbem Aito gfrorä.




Während s Geschner Lälli & de Gurtnäller Blöck wahri Prachtstück sind,
längt mä bim läsä vom Wassner Narräblatt a si Grind.
So äs schmals und dünns Heftli hend diä letscht Jahr präsentiert,
entweder isch z Wassä nid gluffä oder sie sind bim schribä nid gsi motiviert.

**Uf d'Fasching GV 2021 chamä lang nitt hoffä
i dr Aula elf-elf Maskäpflicht – und z'Ressli ai nitt offä
kei GV – heisst's – miär mend ys halt dri schickä
da springt dr Sven vom Ressler – flott id Lickä
meint: «Bin immer zu haben für solche Sachen
Ich kann euch gern den Saal aufmachen!»
Sogar ä Tafelä schribt är de nu gschwind
wo zeigt – dass miär willkommä sind**



**«Alles super» seid dr Manuel «miär tent das Entgägäkommä sehr begriässä
aber... der Verein umtaifä - hätt dr Sven ja glich nitt miässä!»**



**Mitti Novämber isch Fasnachts-Ereffnig gsi
dr Vivan und dr Janick Walker ai drbi
wo dr Vivian hei chund - hedär g'stünnet – jedi Wett
denn nimmä lär isch da sys Bett
dr Janick lyt dett – und erklärt am Briäder da:
«Weisch – zu mim Bett isch vill – vill länger z'gah!**



**Und zudem hani dänkt – ja Ehräwort
bis du de hei megsch – sig ich sicher fort!»
Dr Vivian dänkt: «Ja dü hesch rächt – äs blibt drbi
zu dim Bett wär's ja fasch dri Meter wyter gsi!»
Ja Janick miär machet ys chli Sorgä wägä diär
hesch dich verirrt wäg zwei – dri Biär??
Denn friähner hesch d'Oriäntiärig besser gha
das bewiist das Bildli da
nach z'vill Schoppä trinkä isch diär ibel
trotzdem hesch äs g'fundä – das «Lokal» mim Chibel**



Ä chli witter unnä...



Dr Neiseler het zum Hochziitsfäscht iglaadä
Das fiiret er bim Mattli Christof im Gaadä
Es gmiätlichs Fäscht mit Musig und Tanz
Feinem Ässä und eme Brutpaar mit Glanz
Fäscht sind luut, ja das isch klar
Leider nimmt mä das au ufem Zältplatz wahr
Die ufem Zältplatz findet das nit zum lachä
Wär lisliger wenn d Saugoofä wieder i dr Baraggä Party würdet machä



**Dr Buumä Felix - wiit ummä bekannt
Het ibundä die einti Hand
Als Stromer sett dr Felix das eigentlich kännä
Dass me sich anerä heissä Friteusä cha d Hand verbrännä**




**Wenn du nit uf Gurtnällä i Stärnä wotsch gah
Chasch dr das Ässä ai la lifere lah
Allpot tend wieder Flyer i de Briefchäschte acho
Hend echt die es Wärke Flat-Rate Abo?**



**Da wird e so viel Papier vernichtet,
dass sogar d Greta von Thunberg drüber brichtet**




**D Stromzähler abläsä muess dr Dittli Manuel bi dr Chalbermatter AG
Dr Nachbar M.B. tuet das gar nit gärä gseh
Wenn das EWA Auto uf sim Eigä tuet stah
M.B. tuet wüetig d Wohnig verlah
Zerrt dr Manuel usem Auto usä
Schittlet nä und schisst ä zämä - äs isch zum Grusä
Dr Manuel versteht die Wält hie nimmä
Tend etz pletzlich all Liit spinnä
Nei Manu - mr sägets etz dir
Das isch normal binnä Stiäär**



Abschlussässä gherd ai im Ürneroberland drzuäh
 Midänand fiirä, kei Hektik ender einesch ä chli Ruäh.
 Je speter dr Abig umso besseri Ideeä chämed eim
 Drzuäh anä giz etz der folgendi Reim:



Willsch dü unbedingt Coiffeurcheschtä sparä
 Gisch dä Arbeitskollegä ä Verbandsschäri, scho sinds diär idä Haarä
 Tschäpper aleggä und süber drumum schniidä
 Das mag der guät Stelli scho verliidä.
 D Arbeitskollegä hend de aber nu ä Bitt
 Guätä Stelli, wenschon machemer ä 2mm-Schnitt
 Ai wens nid ä so richtig het wellä klappä
 Nid dr Muät verlierä, sisch jetz eh Zit fir d Winterchappä




Ja – perfekt hend's g'reimt – z'Erschtfäld im Narräblatt
 trotzdem: «Voll drnäbet», säget zwee und findet's «schad!»
 Denn: «Sandstirm – Pyramidä...», meint dr Vivian und dr Mattli Rees
 «der Vergleich der hinkt – und zimli bees!»
 Denn dett wo's Pyramidä gitt- iähr settet's wissä ai z'Erschtfäld unnä
 isch wenigstents MÄNGISCH warm und VILL schynt d'Sunnä!»

Kreisel befahren will gelernt sein

Vor allem die ältere Generation, die Kreisel nicht in der Fahrschule gelernt hat, kann von einem Angebot des TCS profitieren.

Mängisch fragt mä sich – tuät's iäch nitt ai so gah?
 Wiä's mit derä Wält tuät witer gah?
 I dri Jahrzähnt – tent all Elektro-Aito fahrä?
 Gitt's «ysrä» Dammagletscher nimmä? Isch ächt das ä Wahrä?
 Buwet's durä Gottert z'fifti oder z'sägsti Loch?
 Keinä weiss äs – aber eppis b'hauptet etz dr Lälli doch:
 Zum Bispill – am 10.7.2054 gedänkt Ditschland zum 50. Todestag dr Inge Meysel
 und d'Schattdorfer proteshtiäret wider einisch gägä ihrä Chreisel
 Doch wiä durdurä fahrä hoffet miär uf jedä Fall
 wisset im 2054 de nid nur d'Schattdorfer – sondern all

Das Befahren von doppelspurigen Kreiseln ist besonders anspruchsvoll und will geübt sein. Bild: Andreas Seeholzer




Zuhause ist es am schönsten!

Dahinä z Hüüs näbem Isfäld lichtet toll,
um diä ganz Hittä Wiähnachtsdeko voll.
D Steiner Erika het dänkt miär lents länger,
die vielä und dekorativä schönä Hänger.
Etz hemmer Fasnacht, de sells us Deko diänä,
dr Christbaum anärä altä Fasnacht no gliähä.
Sie isch halt ä romantisch i Frai,
und ihrä Alltag isch nid flai und grai.




Abfrutt isch im Ufschwung scho lang,
Darum went z'Gammä äs nyws Huus buwä im Hang.
Bubewilligung wär sicher scho lang da,
nur vorwärts will äs nit äso richtig ga.
Profil sind gstandä vor langer Zit,
wisset sie ächt nu wie z'Huus us gseh sett hit.
Im Amtsblatt statt vieles konfus,
z'Narräblatt wetti liäber gseh z'nywä Huus.
Mir hoffet äs isch gli Bubeginn,
Sodass es isch für Abfrutt ä Gwinn.
Und z'altä Hus, das säget mir unumwundä,
ghert wirklich gli inä Mattlimuldä.



Ai im Gwiäschd wird fort zuäh epis renoviärt
Iz eint oder Ander Gäld investiärt.
Im obärä Stock machemer ä frisch i Nasszällä
D'Sanitärä selet zerscht cho luägä und heerä bällä
Der besagti Arbeiter chund de verbii
Litet und seid, är chäm wäg dr Duschi
Da schicktä d Trix Richtig Gasthüüs, wäschä cheneder ych davorä
Im Gasthüüs wissets nid vunärä frischä Duschi, hend ai kei offni Ohrä
Dr Arbeiter gaht zrug , weiss nimmä witer gli,
da chunds adr Trix i Si, gläbä der wär am Afang scho richtig gsi
ä guätä Rat, d Geschneralp isch da zum Chlättärä, Wandärä und Bikä
Aber nid unbedingt zum Sanitärä umä z Steikä.





**Dr Emanuel und sini Fründin meget glabä nimmä uf z Arni gah laifä
Als Alternativä entscheidet si sich am Geri d Seilbahnhittä z chaifä
Das isch necher zum lischäld isch ja klar
Und z Hüüs i Geschnerhänd findet ai dr Lälli wunderbar
Sälber wohnä isch lässig und mä chad ai eher fort
Eifach bim Häi cho dra dänkä, iär mend de üfä i das Bort
Fir der Wäg vu dr Strass iz Hüüs chund denu drzuäh
Brücht äs nid nur ä Fräsi , sondern ai all Jahr äs par Wanderschuäh**



Vereinsleben

Dr Faschingclub het jedi Saison ä Hüfä z tuä
Afangs 2021 de nu chli meh, är chund nid zu Ruäh
D Radonbelaschtig im Schuälhüüs, schlimmer giängs nimmä
Dem entgägä zwirkä fragt mä Büüplanig Simmä
Ziglet wird alles uf einesch isch nid z Underschetzä,
d Zitä wärdet chli churzfrischig agseit, s git nu meh z Hetzä
zum Glück aber gaht bi dem Giufel niä vergässä
all Tag vum Morgä bis am Abig diä Radonwärt z mässä
uf z verschenärä het dr Faschingclub ainu wellä bharrä
gesagt getan staht dr Markus davorä mimä Chraftwärchcharrä.
Ä frischi Dechi tuä är machä und dWänd wärdet de i Eigäregie gmalä
So tuät z ganzä Riimli nachämä Zitli widr i frischem Glanz erstrahlä.
Als Abschluss meint dr Lälli ai wemmä parmäl isch gsprungä
Isch das Riimli, Dank dä Geschner Firmänä, prächtig glungä



D Fiirwehr Geschänä isch dur z Jahr durä flissig am probä
Immer epä widr frischi Lit drbi, mä derf z Kader lobä
Ai idr Geschneralp sind läbigä planet
Wer weiss was sich da widr alls abahnet
Ä jeda Fall sind Probä im Gwiäscht abem 10. Jüni agseit
Nur hets ä guätä Fiirwehrma vu Abfrutt halt lätz itreit
Dr Lälli meint d Motivation wär da gsi, är wet amal kei Prob ussälah
Nur liäbä Patrick, musch nid scho am 10. Mai parat stah.




D lischfäld Crew, ganz ä diänigi Truppä
Tent sich immer widr als guäti Gastgäber entpuppä
Als jingschts Highlight ä lischdisco uf d Bei stellä
Wonu Mängä gärä het verbii wellä
Trinkä gnuäg, umä ai Wirscht vum Grill
Jedä sell sich wohlfühlä und solang blibä wiäner will
Am andärä Tag bim üfrümä mit Schlüüch und Bäsä
Vernimmt dr Lälli, ai dr Mattli Käri heig äs Zaiserli üfglä:
Spass muäss si, drum isch ys epis draglägä,
denä Fraiwä und Mannä vom lischfäld einesch dankä z säg



Kirche

Vom Fedier Gaby hemmer ai nu ä Gschicht z'verzellä
Am Heilig Abig hedsi id «Metti» wellä
Luägt im Internet de rasch nu na
Seid zum Peter: 21:30 gahts los – tuät äs hiä stah
Rächtzilig stand si vor dr Chilä – jedoch s'isch zum grüsä
D'Mäss isch fertig z'Volk chund üsä
Wo dr Fähler gsi isch? Dem will niämer nachä-gah
Dr Peter meint: «Miär hend dr guäti Willä g'ha!»...
«Doppelt genäht hält besser», tuät dr Volksmund ja verzellä
Gaby hätt sch dr Internet-ltrag im Pfarrblatt nachäkontrolliärä sellä



Seelsorgeraum Urner Oberland

Göschenen

Gurtellen

Wassen



Ä niwä Pfarrer tuät dr Seelsorge-Rüm ez ha
Är macht ä guätä ldruck – scheen isch är ez da
Nur im Bemiähä der Herr Kuzar rächt z begriässä
Tent alli gheerig iber z Ziel üs-schiässä
Am 3.Septämber – praktisch under Usschluss vo dr Öffentlichkeit
Begriässt ihn dr Geschner Chilächor mit Gsang bim Eid
Dr Herr Pfarrer bedankt sich artig – s'isch äso
Bi denä 2 Personä wo – näbscht äm Chor – sind ai no cho
Am 12. Septämber heisst's de: Begrüssungsgottesdiensch i dr Geschner Chilä
Chli speter – gsehni schlächt? Oder tuäni schilä
Doch s'isch äso mä glaibtis chüm
Schribets vom Seelsorgerüm
Mä sellis ja de nit verpassä
Begrüssung Herr Pfarrer Kuzar – i dr Chilä Wassä
Und was de wichtig sig betonet's schnell
Diä Begriässig sig diä Offiziell...
Ez hoffets sicher – und s'wär wunderbar
Dr Herr Kuzar blibi – pro Begriässig – eppä acht, nin Jahr



Verschiedenes...


D Matterhorn Gotthard Bahn tuet niwi Dienschtleider poschtä
Und si lähnd sich die Aktion au eppis la choschtä
All Agstelltä terfet die Chleider scho ga fassä
Ds vorziitigä trägä sellet si aber underlassä
Sie kommunizieret ab welem Datum mä si terf aleggä
Doch leider tüend das nit alli Agstelltä tscheggä
Dr Steiner Willi findet d Chleider so elegant
Treit scho vorem offizielle Datum das niwä Gwand



Bimänä gmiätlichä E-Bike Tüürli richtig Geschneralp,
machtet z Michligs z Abfrutt ä chlinä Halt.
Z Bike parkiäret sie bim Hasä sim Stall amänä Pflock,
wo sie zrug chemet denn der grossi Schock,
diä E-Bike ligget zmitzt ufem Mischstock.



Ob Bärgä, Seeä , Bächli, Milchstrass oder Landschaftä
Dem Fotograf sini Bilder tend am meischtä im Chopf haftä
Das seit sich ai dr Kanton, der Mattli zeigt d Natur i allnä Gwänder
Der sell machä fir ys dr bekannti Ürner Fotikaländer
Miär kännets all, um dett dri zcho musch si ä zäihä
D Geschner sind stolz, am Jonas settmä ä Priis verläihä
Ä lässig, scheni Sach het etz nu so Mängä adr Wand oder ufem Tisch
Bis uf ä par wenigi wo z Gühl hend, äs fählet i dem Kaländer d Fisch.
Jonas mach witer so mit Liidäschaft und Inträssi a dr Region
Dr Kanton Üri derf sich la zeigä vor dr ganzä Nation



**Dr Alt Gmeidschiber, uf dr Strass immernu ä Nättä
Tuät Geschänä sicher ai im Landrat guät verträttä
Nur Walti, d Geschner tend nid vergässä
Sie wäred de igladä fir dis Fäschtässä.
Diä jetzig Zit isch ä Säich, chenet nid lobä
So hesches schweren Herzens scho zweimal verschobä
Aber dänk dra, bis de megemer de scho widr gfürä
Ä hüfä chemed, git de epä ä tiirä**



Gewinnübergabe bei den Urner ProBon-Detaillisten

Bei den Urner Detaillisten gab es in der diesjährigen Sommerverlosung über 8000 Franken zu gewinnen. 180 Personen wurden mit einem Geschenkgutschein überrascht. Die vier Hauptgewinnerinnen und -gewinner, Rosmarie Wipfli, Raphaela Tresch, Meinrad Kieliger-Hügli und Bianca Mattli, wurden zu einem kleinen Apéro und zur persönlichen Gewinnübergabe eingeladen. Sie dürfen sich alle über einen Gutschein der Urner Detaillisten im Wert von je 300 Franken freuen. (pd)



Von links: Eliane Nideröst, Präsidentin der Urner Detaillisten, mit den vier Hauptgewinnerinnen und -gewinnern Rosmarie Wipfli, Raphaela Tresch, Meinrad Kieliger-Hügli und Bianca Mattli.


FOTO: ZVG

**Settisch vom Kieliger Meini äs schens Foti ha,
de lueg das vo dr ProBon Verlosig vom UW a.**

**Samichlaisizug hemmer widr derfä ha, ä wahri Pracht
So mängem Chind und ai Erwachsenem sicher ä Freid gmacht
Mit dä Kläng vu dr Müsigsellschaft isches eifach glungä
Wiähnachtsliäder hends gspilt, da het sogar z Dubacher Vreni mitgsungä
Dr Lälli isch froh gsi dasmers widr normal hend
Nur hed dr Chlais festgestellt dass sie nä denu nid ällä Ortä innälend
Liäbi Geschner, vum Gwiäsch bis id Winterhaltä
Miär meinet äs wär doch schen der Brüüch witerhi z bhaltä**



D Daniela Gamma het a dr Fasnacht gha ä super Idee
Passoa schmecki nu guät mit Früchtetee
Z Isfäldteam het das grat kopiärt
Und scho hend a dr Isdisco alli das Getränk probiärt
Dr Spetzi isch hinter dr Bar am rotiärä
Drum isch är hiänta nit grat am studiärä
Statt Früchtetee tuät är Hagäbuttä i Bächer innä
Är mag sich nämmlä nimmä bsinnä
Acho isch äs bi dä Gescht nu guät
Sie hend aber ai scho gnuäg Alkohol gha im Bluät
Wo de d Daniela der Tee het probiärt
Het sie dr Bütel schnell a d Dechi griärt



HOLDRIO!!



LugaNO! LugaNO! LugaNO!

Ishockey isch nid nur zum Spielä sträng,
sondern ai als Zuäschauer uf dä Räng...
Davo chad z Nati ys allnä äs Liädli singä,
denn sie hed z LugaNO mim Schlaf miässä ringä.
Nimm doch z negsch Mal grad äs Bett mit,
de bisch vielleicht ufs zweitä Drittel wieder fit.



Am Mauro Tresch sini Wätterprognose
Lohnet sich wirklich zum alosä

D Träfferquote isch besser als die vo dr Covid Task Force, ganz famos
Mr mend aber au sägä, am Mauro sini Quotä isch ai nit sonderlich gross



**Nach dr Bahnwandrig Geschnä – Wassä
tuät ä Buäb de das Erläbnis zämäfassä:**

«Ä scheeni Herbschtwandrig – was wottsch nu meh?

A eim Ort hani nu äs Einhorn g'seh!»

«Äs Einhorn?» hed ai sin Lehrer z'Fazit zogä

**«das mag sy – hättsch g'seit heigsch äs Bänkli g'seh – hättsch
aber glogä!»**



**Dr Christo isch ä Kinschtler gsi
der kleidet grossi Bü-wärch i
är g'seht diä alli nitt gärn «nackt»
hed sie mit grossä Tiächrä drum verpackt
2020 isch är g'storbä – sin greschtä Traim - der hed sich nitt erfüllt
drum hed 2021 halt epper andersch d'Geschner Gmeindskanzli verhillt**

Dr Grümpelhausi, wer kännt nä nit

Het alles a Lager wonäs git

Dr Gamma Hugo, ai der isch bekannt

wiit ummä im ganzä Land

Dr Hausi rieft am Hugo ganz smart

Chum rasch innä, ich ha e feinä Schnaps am Start

Dr Hausi holt ä Fläschä und schänkt gheerig i

Dr Hugo dänkt der isch huere dunkel, es blibt drbi

Dr Hausi nimmt ä Schluck und tuät schwärmä

Der Schnaps da hie der hani de scho ganz gärä


Dr Hugo fragt sich, was isch ächt i dem Glas dinnä

Bim schmeckä zieht es ihm grad d Underhosä i Spalt innä.

Drum fragt dr Hugo, Hausi wo hesch der wieder übercho

Das isch kei Schnaps sondern Aceto Balsamico





**Ja Geschenä/Gescheneralp isch scho es scheens Fläckli Ärdä
 Dass sogar Andermatt-Swiss-Alps drmit tuet wärbä
 Etz gad e Ägypter id Feriä, mr nännet nä mal Ahmed Jamal
 Gseht vom Chedi us nur Urschnergrindä anstatt das scheenä Geschner Tal
 Betrug würdemer ja das nit grad nännä
 Aber als Urschner wär äs iis zum flännä**



**D'ÜRiXX hend uf dr Rigi ä Hochzitsüftritt gha
 damit diä nächtlid Bahnfahrt guät tuät ga
 sie heil abbä chämet – nyd passiärt
 hend's de dr Mattli Lukas bim hei z gaa churz inschtruiärt:
 «Also diä ganzi Sach – z'Problem isch gwiss nitt gross
 wenn all dinnä sind - de dricksch der Chnopf und scho gaht's los!»
 und wiä erwartet tuät am Lukas de das Ganzä kei Miäh bereitä
DENN: Wer ysers Vereinsschiff cha stirä – chad ai ä Bahn uf Vitznai begleitä!**



**Au das Jahr terfemer üch wieder es rächts Narreblatt prenentiere
 Vo Jäger und Fischer, Politiker und Stiere
 Dr Geschner Lälli, das isch Humor pur
 Ähnlichkeit mit läbendä Personen wär rein zuäfülliger Natur
 Und wenn die Sprüch de glich epper nit mag liidä
 De gänd em e alti Kaffemili ds tribä**



**Allnä Närrinnä und Narrä wünschemer e scheeni Fasnacht
 Mr hoffet es wird gfäschtet und ganz viel glacht !**

Inserate!

Gesucht

Bauplanung Simmen GmbH

sucht 20 verschwundene
Schneefänger vom Berggasthaus
Dammagletscher

Anfängerkurs

Beton anmischen.

Sie lernen:

- Wie man Beton richtig anmischt
- Wieviel verzögerer zugemischt werden muss, wenn der Beton am Vortag angemischt wird

Hotel Rössli

Möchten sie wieder mal auswärts
fein essen?

Kommen sie vorbei.

Öffnungszeiten können sie zuhause
aus ihrem Kaffesatz ablesen.

Abzugeben

Günstig abzugeben

20 Fabrikneue Schneefänger für
Dachmontage.

Kontakt: grümpel@hausi.ch

Bistro

Auch unter der Führung von Monika,
das ist klar

Gehören ds Chieligers immer noch
zum Inventar

Aufruf

Arbeitslose Experten sollen sich
bitte nach der Pandemie im Auffan-
glager für Pandemieexperten
melden.

Wir helfen ihnen, damit sie sich
wieder in die normale Arbeitswelt
integrieren können.

Gesucht

Schreinerei Zraggen

Dr Spetzi tuet iis leider verlah
Darum suechemer en Ersatz für der
gueti Maa.

Gesucht

Wegen hoher Fluktuation, suchen
wir immer wieder Personen für
öffentliche Ämter.

Melden sie sich bei Interesse